

## **Cumün da Val Müstair**



### **Reglamaint**

**davart l'organisaziun d'agüd in cas da catastrofas  
dal cumün da Val Müstair**

In basa a la ledscha davart la protecziun da la populaziun dal chantun Grischun (ledscha davart la protecziun da la populaziun dals 01. schner 2016)

**Reglament davart l'organisaziun d'agüd in cas da catastrofas dal cumün da Val Müstair****I. Disposiziuns generalas****Art. 1**

Böt

Quist reglament cumpiglia la preparaziun, disposiziun e realisaziun da masüras per la protecziun da la populaziun cunter evenimaints da la natüra ed otras situaziuns extraordinarias.

**Art. 2**

Dret surordinà

La structura da l'organisaziun d'agüd in cas da catastrofas sco eir tuot las masüras decretadas in quist connex han dad accumplir las disposiziuns dal dret surordinà da la confederaziun e dal chantun.

**Art. 3**

Equalità

Designaziuns da persunas, da funcziuns e da professiuns in quist reglament as referischan a tuottas duos schlattas, fintant chi nu resulta nögli'oter dal sen dal reglament.

**Art. 4**

Princip

L'organisaziun d'agüd in cas da catastrofas cumpiglia tuot ils mezs - agens o surdats - impuondüts per dominar situaziuns extraordinarias o catastrofas.

Ella as basa süllas structuras existentes dal cumün ed accumplischa sias lezchas tras ingaschamaint coordinà e confuorm al temp.

La suprastanza cumünala decida, schi nun es prescrit oter in quist reglament o i'l dret surordinà, davart la structura e l'organisaziun d'agüd in cas da catastrofas e fuorma per quist intent ün stab directiv cumüunal. Id ha da gnir elavurà ün organigram ed ün quadern da lezchas.

Tuot las activitats dal stab directiv cumüunal e da las organisaziuns cumüunalas cun lezchas specialas veggan affidadas al cumün.

**Art. 5**

Responsabilità per sai svess

La preparaziun, disposiziun e realisaziun da masüras dal stab directiv cumüunal e da las organisaziuns incumbenzadas cun masüras nu deliberescha la populaziun da la responsabilità per sai svess e da l'aigna responsabilità.

**II. L'organisaziun d'agüd in cas da catastrofas****Art. 6**

Suprastanza cumünala

La suprastanza cumünala es responsabla per la preparaziun da l'agüd in cas d'urgenza ed instituischa il stab directiv cumüunal. El porta la responsabilità politica.

**Art. 7**

Stab directiv cumünal

Il stab directiv cumünal as cumpuona da rapreschiantants da la suprastanza cumünala, da l'administraziun cumünala, dal corp da pum-piers, dad ün rapreschiantant da la protecziun civila e tenor bsögn eir amo dad ulteriuras persunas expertas.

La suprastanza cumünala designescha il schef dal stab directiv cumünal. Ladürada d'uffizi dal stab directiv cumünal as drizza tenor quel da la suprastanza cumünala.

**Art. 8**

Incumbenza dal stab directiv cumünal

Per dominar situaziuns extraordinarias o catastrofas, ha il stab directiv cumünal las seguantas incumbenzas:

- Prevenziun ed orientar la populaziun,
- Sgürar la populaziun, las valuors realas e l'ambiaint,
- Minimar ils dons,
- Restabilir plü svelt pussibel üna situaziun ordinada,

**Art. 9**

Lezchas dal stab directiv cumünal

Il stab directiv cumünal ha dad accumplir tuot las lezchas prescrittas i'l rom da l'incumbenza (art. 8), impustüt:

- a) Evaluar la situaziun da la periclitaziun,
- b) Examinar la prontezza a l'acziun ed alarmar,
- c) Provedimaint da la populaziun cun infuormaziuns e serrada da straduns e vias,
- d) Evacuar a persunas e bes-chas our da territoris periclitats,
- e) Masüras da salvamaint e d'agüd,
- f) Preparar documentaziuns da l'intervenziun e quaderns da dovairs,
- g) Scolaziun e perfecziunamaint constant,
- h) Collavuraziun cun terzas persunas.

**Art. 10**

Stabs specials

Per l'evaluaziun preventiva da privels da la natüra chi's preparan e per iniziari masüras immediatas vegnan instituuts duos stabs specials, ün pels process da privel aua, boudas e sbodadas ed ün pel process da privel lavinas.

**Art. 11**

Stab special aua, boudas e sbodadas

Il stab special aua, boudas e sbodadas observa independentamaing la situaziun meteorologica, la situaziun da privels da la natüra dal cumün da Val Müstair ed organisescha las aignas reunions.

El piglia prümas masüras d'intervenziun per evitar ün'ulteriura periclitaziun / dons.

El infuormescha al schef dal stab directiv cumünal davart il stadi in situaziuns meteorologicas criticas. In cas d'üna situaziun extraordinaire (privel acut per il territori abità permanentamaing, dons da persunas, oters dons extraordinaris, eui.) convochescha il schef dal stab directiv cumünal l'inter stab directiv cumünal.

Il stab special aua, boudas e sbodadas consista da trais commembers e's cumpuona dal mainagestiun dal lavuratori forestal, dal cusgliader local per privels da la natüra CLP e dal cumandant da pumpiers. Schef dal stab special aua, boudas e sbodadas es il mainagestiun dal lavuratori forestal.

Las incumbenzas dal cusgliader local per privels da la natüra CLP cumpigliant la planisaziun preventiva, dürant e davo il cas da don, sias cumpetenças e cumpetenças da decider vegnan stipuladas in ün quatern da dovairs.

## Art. 12

### Stab special lavinas

L'actività dal stab special lavinas ha in mira üna sgürezza plü gronda pussibla cunter lavinas e s'extenda sün quels sectuors chi fuorman ün privel per il territori abità permanentamaing, per las vias cumüunalas sco eir per las loipas e vias da spassegiar d'inviern.

Tuot ils oters territoris, q.v.d. eir ils territoris da skis e'l territori liber per turas nu fan part dal chomp da responsabilità dal stab special lavinas.

Il stab special lavinas consista da trais commembers experts e dad ün commember suppleant. Sias incumbenzas cumpiglian:

- a) Ramassar datas ed analisar la situaziun in vista a naiv e lavinas,
- b) Evaluar il privel da lavinas local,
- c) Organisar reunions regularas,
- d) La serrada preventiva da vias cumüunalas, loipas e vias da spassegiar d'inviern,
- e) Dar l'incumbenza da sigliantar lavinas in territoris cun permiss precedaint,
- f) Mantgnair la prontezza permanenta a l'acziun e chüra / administratiun dal material,
- g) Collavurar cun servezzans da retschercha e da salvamaint
- h) Perfecziunamaint regular,
- i) Documentaziun,

Il stab special inviern infuormescha al schef dal stab directiv cumüunal davart il stadi in situaziuns criticas da lavinas. Schi sun necessarias, sper l'observaziun, las serradas e'l sigliantar lavinas, masüras d'intervenziun sco l'avertimaint da la populaziun, evacuaziuns, e.u.i., schi convochescha il schef dal stab directiv cumüunal l'inter stab directiv cumüunal.

## Art. 13

### Masüras

Il stab directiv cumüunal e'ls stabs specials piglian in aigna respunsabilità tuot las masüras necessarias chi resultan da lur chomp d'incumbenza (art. 9).

Ils uordens dal stab directiv cumüunal e dals stabs specials sun impegnatifs per minchün e sun d'observar in mincha cas. Quai vala in particular per serradas da straduns e vias, cumonds da restar in chasa prescrits in cas da privels da lavinas e per evacuaziuns. Per l'execuziun da masüras po il stab directiv cumüunal eir far adöver da pussanza da la pulizia.

### **III. Oblig da surtour cuosts, indemnisiuns e sgüranzas**

#### **Art. 14**

Oblig da surtour cuosts

Ils cuosts colliats cull'evacuaziun van adüna a charg dal cumün. Il cumün po però adössar ils cuosts a privats, in cas cha las masüras sun in lur interess. Ils cuosts colliats cull'evacuaziun van adüna a charg dals evacuats. Illa masüra sco cha'l cumün ha surtut prestaziuns preliminaras, po el pretender inavo quellas dals evacuats. Schi nu vain ad ingün accord illa dumonda dals cuosts, decida la suprastanza in merit i'l rom d'üna disposiziun chi po gnir contestada.

#### **Art. 15**

Indemnisiun e sgüranza

Il cumün indemnisescha a tuot ils commembers dal stab directiv cumüunal e dals stabs specials sün fundamaint dals reglaments da salarisaziun cumünales. L'ingaschamaint i'l stab directiv cumüunal ed i'ls stabs specials ha da gnir indemnisià be dadour il temp da lavur. Ils commembers dal stab directiv cumüunal e dals stabs specials sun sgürats dûrant lur ingaschamaint tras il cumün.

### **IV. Disposiziuns penales e disposiziuns finalas**

#### **Art. 16**

Disposiziuns penales

Chi chi nu sieua als uordens dal stab directiv cumüunal, dals stabs specials o da las cumischiuns ed organisaziuns inchargiadas cun incumbenzas specialas, vain puni cun üna multa da fin fr. 1'000.-, in cas da repetiziun da fin fr. 5'000.-.

#### **Art. 17**

Execuziun

La suprastanza cumünalala executescha quist reglament e po decretar las disposiziuns executivas necessarias.

#### **Art. 18**

Entrada in vigur

Quist reglament aintra in vigur davo l'approvaziun tras la radunanza cumünalala.

Approvà da la suprastanza cumünalala illa sezzüda dals 03.02.2016 e'ls 29.09.2016

Approvà da la radunanza cumünalala als 07.12.2016

Il president cumüunal:



Rico Lamprecht

L'actuar cumünal:



Not Manatschal



